

D.R. 23/96

Naskhah Sahih—Bahasa Kebangsaan

RANG UNDANG-UNDANG

bernama

Suatu Akta untuk meminda Akta Pihak Berkuasa Kemajuan
Pekebun Kecil Perusahaan Getah 1972.

[]

MAKA INILAH DIPERBUAT UNDANG-UNDANG
oleh Seri Paduka Baginda Yang di-Pertuan Agong dengan
nasihat dan persetujuan Dewan Negara dan Dewan Rakyat
yang bersidang dalam Parlimen, dan dengan kuasa
daripadanya, seperti berikut:

1. Akta ini bolehlah dinamakan Akta Pihak Berkuasa Kemajuan Pekebun Kecil Perusahaan Getah (Pindaan) 1996. Tajuk ringkas.

2. Akta Pihak Berkuasa Kemajuan Pekebun Kecil Perusahaan Getah 1972, yang disebut "Akta ibu" dalam Akta ini, adalah dipinda dalam seksyen 2 dengan menggantikan subseksyen (1) dengan subseksyen yang berikut: Pindaan seksyen 2 Akta 85

" (1) Dalam Akta ini, melainkan jika konteksnya menghendaki makna yang lain—

"Ketua Pengarah" ertinya Ketua Pengarah Pihak Berkuasa yang dilantik di bawah seksyen 11;

"pegawai perakaunan" termasuklah tiap-tiap pegawai dan penjawat yang dipertanggungjawabkan dengan kewajipan memungut, menerima, atau mengakaunkan, atau yang sebenarnya memungut,

menerima atau mengakaunkan, apa-apa wang dalam Kumpulan Wang, atau yang dipertanggungjawabkan dengan kewajipan bagi membayar, atau yang sebenarnya membayar, apa-apa wang itu, dan tiap-tiap pegawai dan penjawat yang dipertanggungjawabkan dengan kewajipan bagi membayar, atau yang sebenarnya membayar, apa-apa wang, dan tiap-tiap pegawai dan penjawat yang dipertanggungjawabkan dengan penerimaan, penjagaan atau pelupusan, atau pengakaunan, apa-apa barang simpanan dan harta Pihak Berkuasa atau yang sebenarnya menerima, memegang atau melupuskan barang simpanan dan harta itu."

Seksyen
baru 11B,
11c, 11D,
11E, 11F,
11G, 11H,
11I, 11J dan
11K.

2. Akta ibu adalah dipinda dengan memasukkan selepas seksyen 11A seksyen yang berikut:

Penubuhan
Jawatan-
kuasa Per-
jawatan.

11B. (1) Maka hendaklah ditubuhkan suatu Jawatankuasa Perjawatan yang hendaklah terdiri daripada ahli-ahli yang berikut;

- (a) Ketua Pengarah Pihak Berkuasa yang hendaklah menjadi pengerusi Jawatankuasa itu dan mempunyai undi pemutus; dan
- (b) tiga orang ahli Pihak Berkuasa yang hendaklah dilantik oleh pengerusi Jawatankuasa itu dengan kelulusan Pihak Berkuasa.

(2) Jawatankuasa Perjawatan hendaklah bertanggungjawab bagi perkara-perkara yang berhubungan dengan pengurusan, perkhidmatan dan pembangunan sumber manusia Pihak Berkuasa, dan bagi maksud itu hendaklah mempunyai bidang kuasa dan hendaklah menjalankan kuasanya terhadap semua pegawai atau penjawat Pihak Berkuasa, selain daripada Ketua Pengarah, dalam semua perkara yang berhubungan dengan perlantikan, kenaikan pangkat dan penamatan perkhidmatan pegawai-pegawai dan penjawat-penjawat Pihak Berkuasa di bawah apa-apa peraturan yang dibuat oleh Pihak Berkuasa berkenaan dengannya.

Penubuhan
Jawatan-
kuasa
Rayuan
Perjawatan.

11C. (1) Maka hendaklah ditubuhkan suatu Jawatankuasa Rayuan Perjawatan yang hendaklah terdiri daripada ahli-ahli yang berikut:

- (a) Pengerusi Pihak Berkuasa yang hendaklah menjadi pengerusi Jawatankuasa Rayuan Perjawatan dan mempunyai undi pemutus; dan
- (b) tiga orang ahli Pihak Berkuasa, yang bukannya ahli Jawatankuasa Perjawatan, yang hendaklah dilantik oleh Pengerusi Jawatankuasa Rayuan Perjawatan dengan kelulusan Pihak Berkuasa.

(2) Jawatankuasa Rayuan Perjawatan hendaklah mempunyai kuasa untuk mendengar dan menentukan apa-apa rayuan terhadap apa-apa keputusan Jawatankuasa Perjawatan berkenaan dengan kenaikan pangkat sahaja mengikut mana-mana peraturan yang dibuat oleh Pihak Berkuasa berkenaan dengannya.

(3) Mana-mana pegawai atau penjawat Pihak Berkuasa yang terkilan dengan keputusan Jawatankuasa Perjawatan boleh, dalam masa empat belas hari, merayu terhadap keputusan itu kepada Jawatankuasa Rayuan Perjawatan.

(4) Keputusan Jawatankuasa Rayuan Perjawatan adalah muktamad.

Jawatan-
kuasa tata-
tertib.

11D. (1) Pihak berkuasa hendaklah mempunyai kuasa tatatertib terhadap semua pegawai dan penjawatnya dan hendaklah menjalankan kawalan tatatertib berkenaan dengan semua orang sedemikian mengikut Akta ini dan mana-mana peraturan yang dibuat di bawah seksyen 11F.

- (2) Bagi maksud seksyen ini—
- (a) maka hendaklah ditubuhkan jawatankuasa tatatertib Pihak Berkuasa berkenaan dengan Ketua Pengarah yang terdiri daripada—
 - (i) Ketua Setiausaha Kementerian, yang hendaklah menjadi pengerusi jawatankuasa itu; dan
 - (ii) dua orang ahli Pihak Berkuasa yang hendaklah dilantik oleh Pihak Berkuasa; dan
 - (b) Pihak Berkuasa boleh, melalui pemberitahuan dalam *Warta*, menubuhkan jawatankuasa tatatertib yang berlainan bagi kategori berlainan pegawai atau penjawat Pihak Berkuasa.
- (3) Yang berikut hendaklah terpakai bagi mana-mana jawatankuasa tatatertib yang ditubuhkan menurut subseksyen (2)(b):
- (a) jawatankuasa itu hendaklah terdiri daripada apa-apa bilangan ahli Pihak Berkuasa, selain daripada Pengerusi Pihak Berkuasa, atau pegawai Pihak Berkuasa, atau apa-apa kombinasi ahli dan pegawai itu; dan
 - (b) seseorang pegawai yang menjadi ahli sesuatu jawatankuasa tatatertib tidaklah boleh lebih rendah pangkatnya daripada mana-mana pegawai atau penjawat yang ke atasnya jawatankuasa yang dia menjadi ahli mempunyai kuasa tatatertib.
- (4) Jawatankuasa yang ditubuhkan menurut subseksyen (2)(b) hendaklah menjalankan kuasanya dalam segala perkara berhubungan dengan tatatertib pegawai-pegawai dan penjawat-penjawat yang diletakkan di bawah bidang kuasanya.

(5) Pada menjalankan tugas dan kuasa tatatertibnya, sesuatu jawatankuasa tatatertib yang disebut dalam subseksyen (2) hendaklah mempunyai kuasa untuk mengambil tindakan tatatertib dan mengenakan apa-apa hukuman tatatertib atau apa-apa kombinasi dua hukuman tatatertib atau lebih sebagaimana yang diperuntukkan di bawah mana-mana peraturan yang dibuat di bawah seksyen 11F.

Rayuan
terhadap
keputusan
jawatan-
kuasa
tatatertib.

11E. (1) Sesuatu keputusan jawatankuasa tatatertib di bawah seksyen 11D(2)(a) bolehlah dirayu kepada Menteri.

(2) Sesuatu keputusan jawatankuasa tatatertib di bawah seksyen 11D(2)(b) bolehlah dirayu kepada Jawatankuasa Rayuan Tatatertib yang hendaklah terdiri daripada ahli-ahli yang berikut:

(a) Pengerusi Pihak Berkuasa, yang hendaklah menjadi pengerusi Jawatankuasa Rayuan Tatatertib dan mempunyai undi pemutus; dan

(b) tiga orang ahli Pihak Berkuasa, yang bukannya ahli jawatankuasa tatatertib, yang keputusannya adalah hal perkara rayuan itu, yang hendaklah dilantik oleh pengerusi Jawatankuasa Rayuan Tatatertib dengan kelulusan Pihak Berkuasa bagi maksud rayuan itu.

(3) Menteri atau Jawatankuasa Rayuan Tatatertib, mengikut mana-mana yang berkenaan, boleh mengesahkan, mengakaskan atau mengubah keputusan jawatankuasa tatatertib.

(4) Apabila Jawatankuasa Rayuan Tatatertib menimbangkan sesuatu rayuan di bawah subseksyen (2), seorang ahli jawatankuasa

tatatertib yang terhadap keputusannya rayuan itu dibuat yang juga ahli Pihak Berkuasa tidak boleh hadir pada atau dengan apa-apa cara mengambil bahagian dalam apa-apa prosiding berhubung dengan rayuan itu.

(5) Keputusan Menteri atau Jawatankuasa Rayuan Tataertib di bawah subseksyen (3) adalah muktamad dan konklusif.

Kuasa
membuat
peraturan-
peraturan
tataertib.

11F. (1) Pihak Berkuasa boleh, dengan kelulusan Menteri, membuat apa-apa peraturan yang difikirkannya perlu atau suaimanfaat untuk mengadakan peruntukan bagi tataertib Ketua Pengarah, pegawai-pegawai dan penjawat-penjawat Pihak Berkuasa.

(2) Peraturan-peraturan tataertib yang dibuat di bawah seksyen ini—

- (a) boleh mewujudkan kesalahan tataertib;
- (b) boleh mengadakan peruntukan bagi hukuman tataertib yang difikirkan sesuai oleh Pihak Berkuasa, dan hukuman itu boleh meliputi amaran, denda, pelucuthakan emolumen, penangguhan pergerakan gaji, pengurangan gaji, penurunan pangkat dan buang kerja;
- (c) hendaklah memberikan kepada orang yang terhadapnya prosiding tataertib itu diambil peluang membuat representasi terhadap pertuduhan tataertib yang dibuat terhadapnya sebelum keputusan dicapai oleh Jawatankuasa tataertib itu kecuali dalam hal-hal yang berikut:
 - (i) jika seseorang pegawai atau penjawat Pihak Berkuasa dibuang kerja atau diturunkan pangkat atas alasan kelakuan yang berkenaan dengannya suatu pertuduhan jenayah telah dibuktikan terhadapnya;

- (ii) jika Pihak Berkuasa, atas syor Menteri yang dipertanggungkan dengan hal-ehwal dalam negeri, berpuas hati bahawa demi kepentingan keselamatan Malaysia atau mana-mana bahagiannya adalah tidak suaimanfaat untuk menjalankan kehendak perenggan ini; atau
 - (iii) jika telah dibuat terhadap seseorang pegawai atau penjawat Pihak Berkuasa apa-apa perintah tahanan, pengawasan, kediaman terhad, buang negeri atau deportasi, atau jika telah dikenakan terhadap pegawai atau penjawat Pihak Berkuasa apa-apa bentuk sekatan atau pengawasan dengan bon atau selainnya, di bawah mana-mana undang-undang berhubung dengan keselamatan Malaysia atau mana-mana bahagiannya, pencegahan jenayah, tahanan pencegahan, kediaman terhad, buang negeri, imigresen, atau perlindungan wanita dan gadis;
- (d) boleh mengadakan peruntukan bagi penahanan kerja dengan pengurangan emolumen pegawai atau penjawat Pihak Berkuasa sementara menanti selesainya prosiding jenayah terhadapnya atau prosiding tatatertib terhadapnya dengan tujuan membuang kerja atau menurunkan pangkatnya; dan
- (e) boleh mengadakan peruntukan bagi penggantungan tanpa emolumen seseorang pegawai atau penjawat Pihak Berkuasa jika pegawai atau penjawat itu telah disabitkan oleh mana-mana

mahkamah jenayah atau jika suatu perintah tahanan atau sekatan telah dibuat berkenaan dengan atau dikenakan terhadap pegawai atau penjawat itu.

(3) Bagi mengelakkan keraguan, "pegawai" dalam seksyen ini termasuklah Ketua Pengarah.

Pengenaan
surcaj.

11G. (1) Seseorang yang sedang atau telah bekerja dengan Pihak Berkuasa boleh disurcaj jika ternyata kepada Pihak Berkuasa bahawa orang itu—

- (a) tidak memungut apa-apa wang yang terhutang kepada Pihak Berkuasa yang pemungutannya menjadi tanggungjawabnya;
- (b) adalah atau telah bertanggungjawab bagi apa-apa pembayaran wang daripada Pihak Berkuasa yang tidak sepatutnya dibuat atau bagi apa-apa pembayaran wang yang tidak diluluskan dengan sewajarnya;
- (c) adalah atau telah bertanggungjawab, secara langsung atau tak langsung, bagi apa-apa kekurangan dalam, atau bagi pemusnahan, apa-apa wang, barang simpanan atau harta lain Pihak Berkuasa;
- (d) sebagai atau semasa menjadi pegawai perakaunan, tidak menyimpan akaun atau rekod yang sepatutnya; atau
- (e) tidak membuat apa-apa pembayaran, atau adalah atau telah bertanggungjawab bagi apa-apa kelewatan dalam pembayaran wang daripada Pihak Berkuasa kepada mana-mana orang yang kepadanya pembayaran itu kena dibuat di bawah mana-mana undang-undang atau di bawah mana-mana kontrak, perjanjian atau perkiraan yang dibuat antara orang itu dengan Pihak Berkuasa.

(2) Pihak Berkuasa hendaklah, sebelum orang itu disurcraj, menyampaikan suatu notis bertulis kepadanya yang memintanya menunjukkan sebab mengapa dia tidak patut disurcraj.

(3) Jika penjelasan yang memuaskan hati tidak diterima dalam masa empat belas hari dari tarikh penyampaian notis seperti yang disebut terdahulu, Pihak Berkuasa boleh—

(a) dalam hal subseksyen (1)(a), (b) dan (c), mensurcraikan terhadap orang itu sejumlah wang yang tidak melebihi amaun yang tidak dipungut, atau apa-apa bayaran yang tidak sepatutnya dibuat, atau kekurangan dalam, atau pemusnahan harta yang dilakukan; dan

(b) dalam hal subseksyen (1)(d) dan (e), mensurcraikan apa-apa jumlah wang terhadap orang itu sebagaimana yang difikirkannya patut.

Pemberi-
tahuan
surcraj.

11H. Pihak Berkuasa hendaklah memberitahu orang yang disurcraikan berkenaan dengan surcraj yang dikenakan di bawah seksyen 11G(3).

Penarik-
balikan
surcraj.

11I. Walau apa pun seksyen 11G(3) dan 11H, Pihak Berkuasa boleh pada bila-bila masa menarik balik apa-apa surcraj yang berkenaan dengannya penjelasan yang memuaskan hati telah diterima atau jika ternyata selainnya bahawa tiada surcraj patut dibuat, dan Pihak Berkuasa hendaklah dengan serta-merta memberitahu orang yang disurcraj akan penarikbalikan itu.

Mendapat-
kan surcraj.

11J. Amaun apa-apa surcraj yang dikenakan di bawah seksyen 11G(3) dan tidak ditarik balik di bawah seksyen 11I hendaklah menjadi hutang yang kena dibayar kepada Pihak Berkuasa daripada orang yang terhadapnya surcraj itu

dikenakan dan boleh didakwa dan diperdapatkan di dalam mana-mana mahkamah atas guaman Pihak Berkuasa dan boleh juga, jika diarahkan sedemikian oleh Pihak Berkuasa, diperdapatkan melalui potongan—

- (a) daripada gaji orang yang disurcayakan; atau
- (b) daripada pencen orang yang disurcayakan,

dengan ansuran bulanan yang sama banyak yang tidak melebihi satu perempat daripada jumlah gaji atau pencen bulanan, mengikut mana-mana yang berkenaan, orang itu.

Keahlian
Pihak
Berkuasa
dalam kes
khas.

11K. Dalam apa-apa tindakan surcay terhadap Ketua Pengarah, keahlian Pihak Berkuasa bagi maksud seksyen 11G dan 11J tidaklah termasuk Ketua Pengarah."

HURAIAN

Rang Undang-Undang ini bertujuan meminda Akta Pihak Berkuasa Kemajuan Pekebun Kecil Perusahaan Getah 1972 ("Akta").

2. *Fasal 1* bertujuan mengadakan peruntukan bagi perkara permulaan.

3. *Fasal 2* bertujuan meminda seksyen 2 Akta dengan memasukkan subseksyen (1) yang baru.

4. *Fasal 2* bertujuan memasukkan seksyen baru 11B, 11c, 11D, 11E, 11F, 11G, 11H, 11I, 11J dan 11K. Seksyen baru 11B dan 11C bertujuaiTmengadakan peruntukan bagi penubuhan Jawatankuasa Perjawatan dan Jawatankuasa Rayuan Perjawatan masing-masingnya. Seksyen baru 11D yang dicadangkan bertujuan mengadakan peruntukan bagi penubuhan jawatankuasa tatatertib bagi kategori yang berlainan pegawai-pegawai atau penjawat-penjawat Pihak Berkuasa. Seksyen baru 11E yang dicadangkan bertujuan membenarkan rayuan dibuat kepada Menteri atau Jawatankuasa Rayuan Tatatertib, mengikut mana-mana yang berkenaan, terhadap keputusan jawatankuasa tatatertib. Seksyen baru 11F yang dicadangkan bertujuan memberi kuasa kepada Pihak Berkuasa, dengan kelulusan Menteri, untuk membuat peraturan-peraturan bagi mengadakan peruntukan mengenai kesalahan dan hukuman tatatertib. Seksyen baru 11c, 11H,

11i dan 11j adalah berhubungan dengan peneanaan surcaj terhadap mana-mana orang yang sedang atau telah bekerja dengan Pihak Berkuasa. Seksyen baru 11k yang dicadangkan bertujuan memperuntukkan dalam apa-apa tindakan surcaj terhadap Ketua Pengarah, komposisi Pihak Berkuasa bagi maksud seksyen 11g dan 11j tidak termasuk Ketua Pengarah.

IMPLIKASI KEWANGAN

Rang Undang-Undang ini tidak akan melibatkan Kerajaan dalam apa-apa perbelanjaan wang tambahan.

[PN. (U²) 1869.]